

HELSE- OG OMSORGSDEPARTEMENTET
Postboks 8011 Dep
0030 OSLO

Sent. Adm. Kommunedirektør

Dato: 17.08.2021
Vår ref: 21/00577-3
Dykkar ref:
Sakshandsamar: Kåre Einar Larsen
Telefon: +47 905 85 268

Høyringsvar - forslag til endringar i pasientjournallova og IKT-standardforskrifta - Tilgjengeleggjing og betaling for nasjonale e-helseløysningar

Åseral kommune syner til forslag til endringar i pasientjournallova og IKT-standardforskrifta, publisert 15. juni 2021 med høyringsfrist 18. august 2021. Vi reagerer på at høyringsfristen er kort, i ein periode med ferieavvikling i kommunane.

Åseral kommune er einig i at det er behov for betre digital samhandling på e-helseområdet, og i at dei nasjonale e-helseløysningane må styrkast og vidareutviklast. Kommunen er samstundes ikkje einig i de verkemidla staten føreslår, og i at det leggjast opp til at staten gjennom endringar i forskrifta kan pålegge kommunane å betale for kostnadsauken til drift av statlege e-helseløysningar.

Kommunen meiner prinsipielt at staten har eit samla ansvar for finansiering av den nasjonale infrastrukturen, inklusive den nasjonal eHelse-infrastrukturen, og at forslaget grip inn i det kommunale sjølvstyret ved at departementet får høve til å prioritere bruk av kommunanes frie inntekter. Det leggjast gjennom lovforslaget opp til at departementet gjennom lov kan fastsetje storleiken på kommunanes betaling for statleg eigde og styrte eHelse-løysningar. Når forslaget legger opp til at kostnader ikkje skal kompensast, vil dette redusere kommunanes handlingsfridom på andre områder.

Åseral kommune meiner at kommunesektoren ikkje er sikra reell innflytelse og medverknad verken på utvikling, implementering av løysningar eller kostnadsnivå for kostnader kommunane i dette forslaget blir pålagd å betale for. Kommunen meiner det er særleg betenkeleg at det leggjast opp til at kommunane også skal betale for tenester dei sjølv ikkje har moglegheit til å bruke eller som dei ikkje er målgruppe for. Dersom betalingsplikt skal gjelde, må det gjelde de tenestene kommunane faktisk brukar og har nytte av. Statleg pålagte meirkostnader må kompensast særskilt i rammene til kommunane.

Åseral kommune stiller seg bak KS sitt svar på høyringa (datert 1.7.21).

Med helsing

Kåre Einar Larsen
Kommunedirektør

Brevet er elektronisk godkjend og har derfor ingen signatur.